



## Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris  
Ordinis D. Avgvstini. Opera Omnia**

**Thomas <von Kempen>**

**Dvaci, 1625**

Capvt II. Oratio, vt liberetur mens à corporali imagine & sarcina.

[urn:nbn:de:hbz:466:1-45790](#)

758 DE ELEVATIONE MENTIS IN DVM.  
tuæ viæ pulchritæ, & omnes semitæ tuæ pacificæ. Beati mundo  
corde, & beati pacifici, viæ sunt & semitæ ad cognitionem vite  
contemplatiæ. Laborandum est ergo diligenter & orandum, ut  
ab omni fæce viitorum cor mundetur, & sic liber ad Deum pa-  
teat accessus.

## CAPVT II.

*Oratio, ut liberetur mens à corporali: imagine & sarcina.*

**O** Ro te Deus meus, & precor te ex totis intimis meis, libera  
me & eripe distractum & captiuum animum, ab omnibus  
mundi concupiscentijs & corporalibus imaginib; vt te ipsum  
in meipso illuminata ratione inueniam, quime ad tuam pretio-  
sam & incorruptibilem fecisti imaginem. Non enim in aliqua  
mundi creatura, tanta relucet sapientia; tuæ pulchritudo & simi-  
litudo, sicut in hominis anima; quam tu capacem fecisti, & om-  
nibus creaturis, per ratione intellectualem excellentissimè præ-  
fecisti. Eleua ergo mentem meam ab omnibus terrenis, & puti-  
fica cordis mei affectiones. Renoua me secundum interiorum  
hominem; & reformatu imaginem tuam per sepriformem Spiritu-  
tus sancti gratiam; quam immortalem, inuisibillem & incorpo-  
ream, omnibus virtutibus habilem, æternæ veritatis capacem,  
sui intelligibilem, rationis compotem, bestijs eminentem, om-  
nibus sensibilibus & visibilibus dignorem, ad imaginem & simi-  
litudinem tuam creasti. Repelle à me & expelle, quicquid potest  
imaginem tuam maculare & obfuscare; ne in signa conpectu tuo  
fiat, & oculos maiestatis tuæ offendat. Dignare hanc preciosam  
& nobilissimam imaginem tuam charitate informare, intelli-  
gentia illuminate, & sine intermissione visitare; quam sine me-  
dio intueris, & in esse conservas. Recordare, quam alto consi-  
lio ipsam prius de nihilo, sed non pro nihilo condidisti. Quam  
magno sacroque commercio, de peccati vinculo ipsam rufus  
redemisti: & tantæ dignitatis creaturam, ne finas substerni mor-  
tali vitio; sed ab omni defende malo, ac dita per gratiam. Mul-  
tiplica in ea dona largitatis tuæ: & quod minus valer ex in-  
fectione corruptæ naturæ, suppleatur ex superuenienti dono  
gratiae.

2. O veritas mea & misericordia mea; da mihi te, videre sine  
forma corporea, sine specie imaginaria, & sine omni luce crea-  
ta. Da puræ mentis intelligentia te conspicere, qui mundis cor-  
dibus te videndum promisisti. Beati (inquis) mundo corde quo-  
niam ipse Deum videbunt. Alta & magna promissio, sed puris &  
illuminatis mentibus congrua. Quia dum terrena cuncta relin-  
quuntur,

Beatis. 5.

quunt, & corpore vniuersa transcendent, recto iudicio æternæ  
veritatis lucem contemplari merentur. Et quanto longius à  
creata luce & conditarum rerum ratione recedunt, tanto eminē-  
tius supra se in diuinæ claritatis secretum rapiuntur. O qualis  
vifus, quam purus intuitus, quam beatus ille oculus; quo sine  
imaginibus & corporum similitudinibus cernitur veritas Deus!  
Oportet cor esse liberum, & ab omni inordinata affectione pur-  
gatum. Oportet mentem esse inoccupatam ab omni strepitu &  
imaginatione corporum, si debeat aliquid comprehendere, de  
æterno in circumscrip̄io lumine illuminante totum mundum. Da  
mihi Domine, ut in lumine tuo videam lumen, non lumen cœli,  
non lumen terræ, non angelicum, non humanum lumen; sed  
lumen æternum, increatum, immensum, ineffabile, incompre-  
hensible, superefficiente, & incommutabile lumen.

3. O quam grauis est mihi sarcina carnis! Quam onerosa lex  
peccati in membris meis, quæ impedit & retrahit ab aspectu ex-  
lestis luminis, à vultu gloriae Dei, à gustu felicitatis æternæ, ab  
introitu ciuium supernorum, quos lætitia sempiterna circundat  
& implet. Largire, obsecro Deus, in tempore breui seruo tuo  
gratiam & benedictionem cœlestem, qui necedum dignus sum  
haurire de fonte pleno aquæ viuæ salientis in vitam æternam.  
Visita me frequenter clementissime Iesu; & in amore tuo vehe-  
menter accende; ut discam omnia inferiora & creatæ despicer,  
& te solum æternum & increatum bonum pure quærere; & su-  
per omnia te proprie te veraciter amare.

## CAP V T III.

*De Verbo increato, æterno & immenso, supra omnes do-  
centes animam illuminante.*

**L**VCERNAPEDIBUS meis verbum tuum, & lumen seruitis meis. O *psal. 118.*  
Verbum Dei in excelsis, quod omnia precedit, omnia illi- Verbi in-  
luminat, omnia ad perfectum perducit, & nihil inordinatum in  
creaturis relinquit. Verbum tuum Domine lux mea, & gaudium  
animæ meæ; sine quo in tenebris sum & in mœrore; cum quo  
gaudio perfungor & lumine. Aperi mihi (Domine) portam  
claritatis æternæ, ad inueniendum verbum tuum in cœlo. In cœ-  
lo permanet verbum tuum, in generatione & generationem ve- *psal. 118.*  
ritas tua.

2. O æternum & immensum Verbū, per quod facta sunt om-  
nia; quod omnia nouit, omnia iustè & rectè disponit. Huius al-  
titudinem cœli non capiunt, profunditatem iudiciorum abyssi  
expauescunt, latitudinem orbis terræ non attingit. Æternum  
Dei verbū multis verbis nō exprimitur, nec varijs imaginatio-  
nibus concipitur, nec ab aliquo creato intellectu penetratur, sed

B b b 4 super-